

[Faint bleed-through text from the reverse side of the page]

權別當宗清法印立願文

敬白

立願事

一 別當職可次第轉任事

右別當轉任檢校之替以一權別當可舉補別當權
官之輩遇別當闕之時不守補日不存積年偏成人
別之望殆及聖斷之煩達事於天聽之間求媚於時
權之處追從賄賂之營馳走計略之苦宛費身命無
顧神慮然間適誇昇進者傾財產欲報脅叻忽被超
越者為出仕失面目付慶号懈付愁号退官寺衰微

職而斯由然者永停濫望宜期次第之由各書連署
之起請可申依請之宣旨件起請檢校已下權官以
上皆寫一通互可相持是則不忘以前之沙汰為誠
向後之陵遲也一流之中莫舉兩子傍官之輩可守
次第滿寺俾知此旨永代勿有失墜矣

一別當已下可支配莊園事

別當 各三箇所

權別當 各二箇所

修理別當 各一箇所

正權三綱等 各一箇所

山上執行 一箇所加三綱畧之

已上北五箇所 加執行北六箇所

此外官符少別當人別一箇所

一臘巡檢勾當御供所田可沙汰

右當所八幡宮者拜本地者則一子平等慈悲之效
王仰垂跡者亦百王鎮護靈驗之尊神濟度之悲願
誠雖遍三界内外之利益殊被于吾朝者欵是以教
法煽弘和光之砌尊崇高配祖宗之廟佛事神事之
在不退也司存區分僧官俗官之備威儀也寺役匪

怠見其各々之勤勞盡無面々之哀憐弟子若蒙冥
睠有遂本望者均分此莊園支配彼依怙匪啻一世
之素願宜貽万代之玄跡至于莊務永隨所職勿附
其人又課役內御修理行幸御幸放生會臨時祭修
正等之外不可充他事但取諸宮寺有殊大營之時
不分親疎不存偏頗各可省充莫令對捍是則諸人
無異心一向可敬神故也若誇依怙還失道理者可
令停止彼官位并莊園釐務之間配分之後雖身之
恩潤尚欲省傍官况人之所帶不可及押領但宮寺
領非氏人者輒莫讓他人縱雖暫讓與一期之後可

返付本主氏人之餘畜矣

一 宮寺僧俗官等可申定品秩事

右當宮僧俗官等雖帶官位不定品秩之間謂公庭
之參謂人家之翔無便于座籍有憚于同科尤申請
相當准據之宣旨可存官位次第之等級矣

一 宮寺僧俗輒不可任官事

右君者撰臣兮授官臣者量已兮受職不可輒授不
可妄受就中宮寺僧俗累葉之祠官次第之昇進或
當其任或限其賞皆非無所據而近代非當宮之要
非本所之舉諸衛二分三分僧者好網位俗者耽顯

榮成功之費奏達之計雖有人之煩全非神之饒然者為宮寺有殊功者無偏頗無親疎檢校已下祠官等上連署之舉狀達官位之所望又有限身賞人讓之外置停止之式絕拜除之思謂其殊功者竊山川之猪鹿魚類者宮寺內強盜殺害如此之犯人召取之輩也兼日經上奏可申永宣旨是存宮寺之守護盡無神明之助成乎

一 御殿司入寺僧等可定負教事

右御殿司六人入寺僧十人

御殿司准寺任少別當入寺僧准寺任權上座

此內以碩學法器者一人可為山上之執行各非死

闕者輒不可改補若有智行難弃年戒可優者加權入寺權御殿司各一人於執行者申下永宣旨任權律師寺領一所可附其職抑執行者宮寺之重職也入寺中應其撰者定有鬱訴欬然而一向撰器量何強論品秩是則佛神事之次論義講之時以執行為探題談法味之甚深賁威光之增益其故者行教和尚上洛時大菩薩化現告知和尚云汝為我誦念經咒深心冷思與汝共上洛擁護釋迦教跡保護百王聖胤文然者優賞碩學尤叶神慮欬自非才之淵源難備法之棟梁故也無執行之望御殿司等密宗者許

之但雖長頭密之修學尚非官寺之餘齋者不可補其職面之之依怙便便可計充矣

一 當宮御修理不奏聞公家可為寺領勤事

右宗廟之為重事朝家殊有尊崇者欵是以領數萬戶之民烟為大小社之神領五畿七道國衙莊園入官家者十之二三償神社者十之八九就中世及澆末人輕朝威權臣擅國公家少利而諸寺諸社寺官社官徒貪寄進之田園不致破壞之修造偏為朝家之煩如忘公平之基至當宮者省充寺領令致營修兼定置其所莫令成對捍自少破各用意無大費終

其功凡非過分之大營者宜駐任意之上奏矣

一 可建立大塔事

右件塔者成清為檢校之時燒失了其金物等先師別當造立千手觀音之間少之借請而雖用之連之指合不償之遂以令逝去如何于佗生可償其事者已當弟子况乎美濃國明知莊者彼塔領也弟子相傳于今知行付彼付此可造可果志之尤切神必哀納矣

一 山内可建立千手堂事

右先師別當有可造立千手觀音建立一大伽藍之

願雖顯形像未致締構又有百日三十三度可參籠
當山之願雖及八箇度未滿二十六度重々之所願
一々不滿足其身早逝其願尚遺弟子補闕之志雖
切造營之功未成是非寺務進退之身者不便經始
土木之事欵仍先發願彌祈運命而已至于參籠之
願者令啣北六口之僧侶可滿三十三度之員數弟
子同列其內共修行業重造立千手像北六體可奉
安置新堂又以公胤實任雅緣可為導師兄願讀師
之由先師之立願也然則剝剝終功供養諸儀之時尋
彼三輩之門跡以飭一日之道儀戀重山之月希大

虛之風者欵抑我大菩薩者以藥師觀音弥勒為本
尊而今刻千手之靈像顯和光之本誓置六口之僧徒
修不退之行法上資三所中祝一人下訪二親因緣
也大因緣也善根也最善根也發願之趣感應豈空
加之當宮抽誠弟子懸憑之輩令滿足二求昌榮一
門但雖憑我於奉忽緒神者非廻向之限申寄新立
之莊園可充久住之衣食於其勤行者臨期可計定
矣

一 山內可建立弥勒堂事

右延喜廿一年御託宣云以藥師觀音弥勒為我本

尊作堂可安彼三尊云而藥師堂自本有之觀音堂依先師之願可建立之弟子建弥勒堂如靈託之趣山内可奉安置一佛二菩薩像矣

一可奉渡唐本一切經事

右先師別當平生之時書寫一切經當山建立經藏奉納已畢每年於寶前可遂供養之由發願亦了而件經中新錄之經已欠文字之誤不審仍渡唐本一切經安此經藏被任在世之素意可修每年之白業彼不具經者施入三井寺積諸僧轉讀之薰修為衆生化度之方便就中彼寺者弟子之祖師揚名抽身

之砌也植善根於其地報恩德於本寺又不可哉凡者唐本之外何益于吾御山殷勤之志欲安于三井寺矣

一不可行新議非法事

右神不享非禮舊史之明文也祠官之中以正直可為先寺務之輩守舊規可行事就中大菩薩御託宣云大神吾不正之物者不受此物意穢有故反弃倍之文縱無此炳誠可慎可慎况有彼靈託可恐可恐然而代々別當被牽公私之繁務不顧神慮之受否錯亂徃式張行新儀雖難禁遏於守一向之信何忘

四知之廉但繹出自權勢理不拘成敗者非力之所及身只不存偏頗神必可垂照覽誤歸咎於本人示誠於後昆此中為其所最要之人及懸身命兮無緣之輩存慈悲可猶豫於身之要人者殊加潔白之沙汰此條永遺家語之訓莫限寺務之時矣

一 隨力堪贖取生類可放還事

右殺生者十重禁戒之根本六趣輪迴之業因也山野之蹄江湖之鱗皆是生々之父母世々之兄弟也有情之輩誰不悲相害之苦乎若雖得自斷須悲他未厭仍心之所及力之攸堪奪口中之梁剥身上之

帛贖取可放之敢莫緩急矣

一 庫倉納物割十分之一可迴向佛神事事

右鵝眼鬘牙齊統越布之類納庫倉之物割十分之

一重分二分以其一蓋神明以其一充供佛次可充

祖考遠忌之追善供佛以後與貧道無緣者極飢羸

困乏之苦以此常行布施之力必為無上菩提之緣

也

一 先師墓所可建立一堂事

右檢校勝清別當慶清別當道清等墓所也就三代

之松墳建一字之華堂可奉安置阿彌陀觀音勢至

等像定置僧侶二口計充衣鉢二事唱恒時不斷之
念佛修永代無朽之善根點近邊之餘田可寄附于
用途定補之僧徒輒不可改易但於有過分之不當
者爭為常住之本懷乎又近隣在家之輩農夫田父
之客不嫌男女不擇老少勸稱名之念佛濟極惡之
衆生誤及結番敢莫退轉以此功德併資先師各依
時刻之迴向可滅世人之罪障總者自一
門之列祖至吾寺之傍官道俗男女尊卑遠近有緣
無緣自界他界共生一佛土同成三菩提弟子若漏
一世之利益重赴六道之輪迴縱雖受何身不廢亡

彌陀之名號自今身迄後身持念之修行之遂託上
品兮證無生之忍更皈南浮兮導有緣之衆矣

一 所願成就了可令遁世事

右三所大菩薩部類眷屬殊別先神武内大臣必垂
冥感助成我願我願既滿道心亦熟不著世間之法
堅迴雲栖之計依神之方便勿心之退轉遂以今生
為穢土之終以後世為菩提之始御託宣云難渡未
渡乃衆生乎渡加為仁現神道天武内大神大神本
地則西方之教主垂跡亦先廟之祖靈權化風馥久
息叢祠之陰種胤露深定開蓮臺之萼矣

以前大顛敬以發起天神之冥慮難測人之運命有
限雖為重代之職雖為權官之身至于寺務者非別
運哉若依大顛之力遂過分之望者專拋他事宜果
宿賽是貴神之願也豈乖神慮之旨是酬師之志也
盍步師資之跡但不可進任宿運於理運但不可退轉
譜第於次第乃至數箇之願印無刊一期之壽算是
全仰神德之餘身知皇恩之在首凡者德之為德恩
無不謝無不報箇裏於堂塔建立之願經論渡替之
志者縱雖寺務之前日宜勵石心之底露仍以發顛
敬白

建保五年正月廿七日弟子石清水護國寺權別當法印大和尚位宗清

本云

右草式部權少輔大江朝臣周房筆跡也

寬永六林鐘中旬打裏之畢

石清水八幡宮權別當法眼和尚位敬清判

右權別當宗清法印立願文以古字一本校合